



MØTEINNKALLING

Utval: Komite for næring, kultur og idrett
Møtestad: Formannskapssalen Herøy rådhus
Dato: 07.04.2014
Tid: 16:00

Melding om forfall til tlf. 70081300.

Forfall til møter i kommunale organer skal vere gyldig i hht. Lov om kommuner og fylkeskommuner § 40, nr. 1.

Varamedlemer som får tilsendt sakliste, skal ikkje møte utan nærare innkalling.

Dersom du ønskjer din habilitet vurdert i ei sak, må du melde skriftleg frå til Fellessekretariatet om dette i god tid før møtet (Forvaltningslova § 8, 3. ledd).

Fosnavåg, 01.04.2014

Bjørn Otterlei
Leiar

SAKLISTE:

Saksnr	Innhold
PS 15/14	Godkjenning av innkalling og sakliste
PS 16/14	Protokoll frå førre møte
PS 17/14	Delegerte saker
PS 18/14	Referatsaker
PS 19/14	Førstelinjeteneste for etableringsrettleiing i Herøy. Status og vidare framdrift for Hoppid-kontor.

Komiteleiaren er på jobbreise 5. mai og ynskjer derfor at maimøtet vert flytta til 12. mai.

PS 15/14 Godkjenning av innkalling og sakliste

PS 16/14 Protokoll frå førre møte

PS 17/14 Delegererte saker

PS 18/14 Referatsaker



HERØY KOMMUNE
HERØY KOMMUNE

Rådmannen

SAKSFRAMLEGG

-

Sakshandsamar:	EKRU	Arkivsaknr:	2014/479
		Arkiv:	U01

Utvalsaksnr	Utval	Møtedato
19/14	Komite for næring, kultur og idrett	07.04.2014

FØRSTELINJETENESTE FOR ETABLERINGSRETTLEIING I HERØY. STATUS OG VIDARE FRAMDRIFT FOR HOPPID-KONTOR.

Tilråding frå rådmannen:

Komite for næring, kultur og idrett tek prosessen med hoppid.no-kontor til vitande, og vedtek at arbeidet med etablering av ny hoppid-teneste går inn som ein del av arbeidet med strategisk næringsplan.

Særutskrift:
Ass. rådmann
Utviklingsavdelinga
Møre og Romsdal fylkeskommune
Hareid kommune
Ulstein kommune
Sunnmøre Kulturnæringshage AS

Vedlegg:

Saksopplysningar:

Det har vore arbeid ei tid med å finne ei tenleg ordning for rettleiingstenesta for nyetableringar i næringslivet, hoppid.no. Tenesta i dag ligg til Søre Sunnmøre landbrukskontor, som har signalisert at tenesta nok kunne vore utført betre av andre. Saka vart skriven klar for politisk handsaming våren 2013, men ikkje fremja i påvente av å finne ei felles løysing for Hareid, Ulstein og Herøy kommune.

Litt historikk:

Møre og Romsdal fylke og Innovasjon Norge Møre og Romsdal oppretta i samarbeid eit entreprenørprogram under namnet hoppid.no i 2006, først som prosjekt, og sidan 2010 som merkevare og konsept for satsing på entreprenørskap i Møre og Romsdal.

Fundamentet i hoppid.no er partnerskapen mellom Møre og Romsdal fylkeskommune, Innovasjon Norge, fylkesmannen sin landbruksavdeling og kommunane. Den legg grunnlaget for hoppid.no-kontora som er førstelinja i etablererrettleiinga. I fylgje partnerskapsavtalen er kommunane ansvarlege for drifta av tilbodet, medan dei andre partane bidreg med sertifisering, kompetanse- og nettverksarbeid, profilering og ulike økonomiske verkemidlar retta mot etablerarane.

Herøy kommunestyre vedtok medio 2008, saman med Ulstein og Hareid kommunar å inngå partnerskapsavtale med Møre og Romsdal fylke og innovasjon Norge Møre og Romsdal, om førstelinjeteneste for etablererrettleiing. Denne vart lagt til Søre Sunnmøre Landbrukskontor. I vedtaket vart det lagt til grunn at tenesta skulle drivast innanfor eksisterande ressursar i landbrukskontoret. Fylkeskommunen gir ikkje midlar til drift.

Landbrukskontoret fekk tilført frå fylkeskommunen kr 100.000 per samarbeidskommune, og kr 50.000 kroner ekstra per kommune for samarbeidet. Dette gav kr 450.000 til satsinga. Seinare har fylkeskommunen gitt kr 200.000 i avklaringsmidlar, så samla tilskot frå fylket er kr 650.000. Det kan gjevast avklaringsmidlar tittel kr 20.000 som eingongsstønad til etablerarar. Per juni 2013 var det brukt knapt kr 200.000.

Landbrukssjefen opplyser at frå juni 2009 til ut år 2012 har det frå kontoret vore innvilga 15 søknadar om avklaringsmidlar. Aktiviteten til juni 2013 har vore 4-5 telefonar og 2 søknadar om avklaringsmidlar. Det finst ingen oversikt over korleis det har gått med dei 15 gründerideane som fekk innvilga avklaringsmidlar.

I februar 2013 vart det halde dialogmøte om fornying av partnerskapsavtale om førstelinjetenesta for etablererrettleiing i Hareid, Herøy og Ulstein, der fylkeskommunen vart utfordra til å kome med innspel på korleis kommunane kan legge til rette for eit endå betre tilbod til gründerar og andre som ynskjer å starte eiga verksemd i Hareid, Ulstein og Herøy. I brev datert 01.04.2013 til kommunane i Hareid, Ulstein og Herøy kjem fylkeskommunen med innspel på ansvarsfordelinga i dette programmet.

I fylkesplanen for Møre og Romsdal 2013-2016 er eit av måla at «Møre og Romsdal skal ha fleire nyetableringar med større overlevingsgrad, særleg innanfor kompetanse-intensive næringar». I hoppid.no jobbar ein for å nå det målet, både gjennom mobilisering, kompetanseheving, rådgjeving og finansiering.

Resultatet av hoppid.no så langt er i følgje fylkeskommunen

- ein auke i etableringane frå 1600 nyetableringar årleg i perioden 2001-2005 til 2000 årleg i perioden 2006-2010.
- at fleire unge etablerer eigen bedrift.
- ein auke i etterspurnaden av etablererstipend, og betre kvalitet.
- fortsatt høg overlevingsevne.

Kommunen er fyrstelinja, og kommunar/kommunesamarbeid med synlege og aktive hoppid.no-kontor får gode tilbakemeldingar frå etablerarar som nyttar seg av tilbodet, og dei opplever hoppid.no som eit lavterskeltilbud som er lett tilgjengeleg.

Hovudoppgåvene i hoppid.no er:

- avklare kva etableraren treng av rådgjeving, kompetanse og finansiering.
- rettleie etableraren i utarbeiding av forretningsplan.
- ha kjennskap til, og bruke nettverk, som
 - næringshagar og kunnskapsparkar
 - Innovasjon Norge
 - Fylkesmannens landbruksavdeling
 - Bedriftsrådgjevemiljø
 - Finansmiljø og lokale bankar
 - etablert lokalt næringsliv

I tillegg har hoppid.no-kontoret viktige mobiliseringsoppgåver:

- vere medspelar i arbeidet med entreprenørskap i skulen.
- vere medspelar for lokale utviklingsprosessar (t.d. bygdemobilisering).
- legge til rette for møteplassar mellom etablerarar og lokalt næringsliv.

Kommunen sitt ansvar er å tilby førstelinjeteneste for alle som vil utvikle ein forretningside og etablere eigen bedrift. I hoppid.no får kommunane tilbod om sertifiseringskurs som gir eit minimum av kompetanse som trengs for å kunne kalle seg hoppid.no-kontor. Kommunen avgjer kven som skal ha den oppgåva.

Finansiering av stillingsressurs i hoppid.no er eit kommunalt ansvar. Kommunen må sjølv sette av tilstrekkeleg med ressursar til at tenestene vert tilgjengelege og kompetente.

Moglege løysingsmodellar.

Om våre tre kommunar, Hareid, Ulstein og Herøy, vel å stå saman om eit hoppid.no-kontor, så rår fylket til at ein bør minst ha tilgjengeleg ein 100% ressurs for å vere førstelinjerådgjevar. Fylket oppmodar kommunar innanfor same bu- og arbeidsmarknadsregion til å vurdere samarbeid om kontoret, då deira erfaring viser at det då er vert lettare å sette av ressursar og at større pågang av etablerarar hevar kvaliteten på tenestene. Det er henta inn tilbod frå andre aktuelle tilbydarar i regionen for å få sving på rettleiartenesta for gründerar:

Hareid Næringsforum tilbyr seg å utføre hoppid.no-tenestene for våre tre kommunar etter ynskjer, enkeltvis eller samla. Til dette arbeidet reknar Hareid

Næringsforum, med basis i erfaringar frå andre regionar, at det trengst 50% stillingsressurs for å betene Hareid, Ulstein og Herøy kommunar. Tilbodet føreset også samlokalisering på Hareid. Om dette ikkje let seg gjere, så kjem leigekostnad for kontorlokale i tillegg. Med utgangspunkt i kr 620.000 for eit årsverk vert kostnaden for kommunane slik:

Hareid, Ulstein og Herøy ynskjer å kjøpe ei 50% stilling/kr 310.000,- i fellesskap. Fordelingsnøkkel per innbyggjar per 1. januar 2013:

Herøy	(8847 innbyggjarar)	kr 125.000
Ulstein	(7927 innbyggjarar)	kr 113.000
Hareid	(5057 innbyggjarar)	kr 72.000

Sunnmøre Kulturnæringshage AS i Volda har levert eit tilbod i form av forslag til avtale med kommunane. Denne avtalen omfattar i korte trekk:

- representasjonsoppgåver som hoppid.no-kontor og førstelinjeteneste for etablerarar i våre kommunar/Herøy kommune, tilstelling og marknadsføring av ulike arrangement i hoppir.no-regi, og hoppid.no-kurs og regionmøter med Innovasjon Norge.
- tildeling og disponering av hoppid.no-midlar frå fylkeskommunen i samråd med ansvarlege for nærings saker i våre kommunar/Herøy kommune, og rapportering av disposisjon av hoppid.no-midlar til regional- og næringsavdelinga i fylkeskommunen i tår demd partnarskapsprogrammet om hoppid.no-teneste.
- avtalen gjeld for eitt år om gongen, fyrste gong frå 1. januar 2014 til 31. desember 2014. Partane kan seie opp avtalen med 3 månadars varsel, første gong 1. oktober 2014.
- Sunnmøre Kulturnæringshage AS sitt arbeid skal dekkjast inn gjennom eit årleg tilskot på kr 20.000. Dette beløpet skal dekke 26 timars rådgjeving. Ei utviding av timebruken, med dertil auke i kostnad, skal på førehand vere godkjent av kommunen.

Ålesund Kunnskapspark AS meldte våren 2013 om at det var sett i gong eit pilotprosjekt for ei førstelinjeteneste for etablerarar gjennom hoppid.no på Nordre Sunnmøre, med Ålesund, Sula og Skodje som deltakande kommunar. Pilotprosjektet starta opp 14. februar 2013 og skal vare i 3 år. Ålesund kunnskapspark AS står for drifta, det er tilsett 0,75% årsverk, kostnadane for drift er fordelt på kommunane med likt grunnbeløp på kr 30.000 og resten fordelt etter innbyggartalet. T.d. for Skodje kommune, med 4184 innbyggjarar pr 01.01.2012, så vil kostnaden vere kr 81.000 per år. Prosjektet har så langt vore ein stor suksess.

Kunnskapsparken føreslo at Hareid, Ulstein og Herøy kommunar kunne knytte seg til pilotprosjektet, gjerne opp mot industriinkubator-miljøet på Stålhaugen i Ulsteinvik. På denne måten kunne ein utvikle det etablerte miljøet som allereie finst der. Seniorrådgivar Arne Mehl nemner at eit halvt årsverk kan vere tilstrekkeleg til å drifte våre tre kommunar i dette samarbeidet. Det vart då vurdert slik at Åkp kunne levere ei hoppid.no-teneste som er funksjonell for kr 260.000. Denne tenesta ville då vere lokalisert ved industriinkubatoren i Ulsteinvik. Modellen vart av ulike årsaker lagt vekk utpå hausten 2013.

Dagens status.

I heile denne prosessen har Herøy kommune prøvd å jobbe etter samarbeidsmodellen som var etablert for felles hoppid.no-kontor for Hareid, Ulstein og Herøy kommune. Ulstein har no varsla at dei uavhengig av dei to andre

kommunane vil fremje tilbudet frå Ålesund Kunnskapspark AS som deira løysing for framtidig førstelinjetenester for etablerarar gjennom hoppid.no. Hareid og Herøy kommunar står då fritt til å velje eigen løysing.

Etterspørselen etter hoppid.no-tenester ligg på eit relativt lavt nivå i Herøy kommune. Dette kan skyldast både låg profilering av dagens førstelinjeteneste, men også at næringslivet i Herøy er av en slik karakter at næringsetablering skjer til tross for eit kommunalt tilbod om vegleiiing. Sunnmøre Kultur næringshage melder at dei har i gjennomsnitt tre førespurnadar i månaden frå innbyggjarar i Herøy, men at få av desse resulterer i ein oppfølgingssamtale. Det er som regel i samband med marknadsføring av ulike tenester/arrangement at nokon har tatt kontakt. Inkubator tenesta i Ulsteinvik melder også om noko kontakt, men då har ein som regel vore i kontakt med Landbrukskontoret fyrst.

Vurdering og konklusjon:

Etter rådmannens vurdering er marknadsmekanismene i Herøysamfunnet av ein slik karakter at nyetablering skjer innanfor gjeldande mekanisme i samfunnet sjølv. Det er eit relevant spørsmål om det er eit behov for ei fyrstelinjeteneste, der ein yter vegleiiing og inntil 20.000 som tilskot.

Rådmannen ser det som naturleg at denne diskusjonen kjem inn under arbeidet med Strategisk næringsplan, der ein får sjå og planlegge relevante høve i eit breiare fora.

Konsekvensar for folkehelse:

Å prøve men feile har konsekvensar for gründer på ulike måtar. Ei god førstelinjeteneste vil kunne vegleie og gi råd til fyrstegongsetablerarar slik at ein reduserer fare for negative utfall.

Konsekvensar for beredskap:

Ingen.

Konsekvensar for drift:

Det er i budsjett 2014 ikkje satt av eigne midlar til ei alternativ organisering av hoppid.no-kontor.

Fosnavåg, 21.03.2014

Erlend Krumsvik
Rådmann